

عصفورة طائيرة

برة الشبابيك

عصفورة طائيرة

محتاسة في دنيتها

و حائرة

كل ما بتفرح في حياتها

بيجو يحاوطوها

بدايرة

يقولولها بلاش

خليكي جوة

بينك و بين دنيتنا دي هوة

لا هتعرفي تمشي على كيفنا

و لا تعرفي تتعاملي بقوة

أصلك عصفورة بريش نعام

و احنا بني ادمين لكن أوهام

كل وعودنا في الهوا طائيرة

و كلامنا كله في الأحلام

و أنت يا عيني بريئة

و صافية
 عايمة فوق الماية
 و طافية
 ملكيش في علامة الاستفهام
 و لا ليك في الحيرة
 و لا الأفلام
 واضحة صريحة جميلة
 مريحة
 لكن زمنك و لا و عدى
 لا بتعرفي يأس و لا استسلام
 عصفورة طائرة بره الشبابيك
 طالبة تسيبها
 تعيش في سلام
 خدوا دنيتم و دي سكتكم
 و سبواها في دنيتم
 عايشة في الوحي
 و الالهام